周

易

集

義

畜止剛健莫如巽順叉四以 止羣陽之 異
立
上
下 施而敏於行陰閒其中以節止之所以養写象也之學陽之志以小畜大是以爲小畜也乾之健行樂 謂陰也陽大而陰 //周易集義卷二 使剛中而不過正所以 雨自我西 小畜止 郊 溧陽 吳與劉承幹校 **陰爲羣陽所說能畜** 養也為卦異 類

彖曰小畜柔得位而上下應之曰小畜健而巽剛中而 志行乃亨密雲不兩尙往也自我西郊施よ行也 之象 擬之則是臣子以柔道畜養君父之剛而未能和合 我西郊則陰倡而陽未和所以不能成雨也以人事 亨義然醞釀輕微方在畜積非德化大行之時五上 項氏曰陰陽之理畜極則亨畜之小者雖未遽亨及 一爻象天一陰亙於其下有雲象爲陰少陽多地氣 其成也終有亨理以六爻言之一柔得位五陽應之 一騰天氣未應為密雲而已西方陰也東方陽也自

明指陰之尙往正與此意相發明所以不遽成兩者 似於卦義未合項氏之說得之尙往者四雖 密雲不雨諸家皆以陽氣上升為說尙往亦屬陽說 密雲不雨者陰方上往未至於極也自我西郊者 佝往而盛長上九爻辭云旣雨旣處佝德載月幾毠 起於此未至於彼也此皆言所畜之小然謂之尙往 則非不往謂之未行則非不行亨固在其中矣愚按 其志必行故有亨理凡陰蔽之極則陽氣蒸而成 而能異不激不亢其勢必通二 係其情未能全制之 周易集義卷二)也故為小畜以二卦言之 一五皆剛中同心同德 求恕疹 一陰將 健

象日風行天上小畜君子以懿文德 初九復自道何其咎吉 **龑氏日復自道此復字與不遠復之復同義謂復于** 不待政教而成矣 興无所施治於物而以風動四方君子以風行天 道成而雨矣 陰氣甫自西而升其施未行也至上則陰氣已足畜 在下之位而不進也初九以陽剛之才位居最下而 王氏曰文德禮樂之事懿致飾而盡美也禮樂自上)理自修明于上而无為之化不言之敎移風易俗

為陰所畜知幾不進而自復其道焉何咎之有何氏 欲復乎道必自初始 有先言何其咎而後言吉者以无咎爲吉也愚按 日復自道若進而受制于陰不得行其志則去道矣 九居下得正雖與四應而能自守以 宜過剛躁動初以陽才居陽位潛伏于下何咎之 應其復自是正道義者宜也合乎時位之宜是以 復自道其義吉也 天地閒氣化人事皆有陰畜陽之時陽爲陰所畜 |陽居初本可安於不進雖爲四所畜而不樂 周易集義卷二

第日牽復在中亦不自失也 九二章復吉 而復於下初安於復故為自復一勉於復故云牵復得為而當陰畜陽之時不得行其志即與初相牵連 豈不守道而得其義乎 權要思招致之力不能破其範圍而浩然返吾初服 吉也譬如隱居未仕之君子志欲進而有爲乃上 中亦不失其吉也 以陽處陰居下得中上叉无應雖才可有爲位可 |之德不如||初其位不同耳能審進退||而不失其

也時非君子所能為其可自主者不失其道耳 位猶士之 而復雖不若初之自然亦不自失其中道也二居中 承上爻而言九一 初有同志初旣見幾而作一亦知難而退與初牽連 輻車轑也所以利輪之轉與複異輹以 不亦得其義乎居小畜之時陽剛中正之道不得行 | 輿說輻夫妻反目 而 不復則不能不自失旣復矣則亦不自失亦字 /周易集義卷二)已仕者也不為權要所籠絡而安居下位)輻則无說理必輸破殼裂而後說大 一當位宜進者也亦以見畜於四與 (利軸之轉 四求恕求 車

有夫不失道 及勢不能堪雖慎而思奮固巳欲正而不能矣 自來為女子所制者皆由說不以 輸破輻說其與不能復行亦徒反目而已程子曰 剛又積不能平而與之爭无如其勢旣成雖爭无益 輻則不可以行矣九三剛而不中迫近於陰而又非 |應但以陰陽相說其始非不甘為所畜也然其志 中阻於陰而不得進 而妻能制之者故說輻反目三自爲也 能正室也 而得中自止 也說輹可復進說 姑息驕縱於 也小畜九三

象日有孚陽出上合志也 八四有学血去惕出无咎 非有学信威之安能无咎乎 君何尤无咎之謂也以人君之威嚴而能畜止其欲 居近君之位畜君者也此畜道之善者也孟子日 **学治則傷害遠危懼平血去惕出而可免於咎夫四** 承九五剛中之德惟虚中以相處字九五旣與之 乘承皆剛有傷危之象故日血日惕然巽體居柔 有学者学於九五也四以 |合志者学於九五也五旣信之||而與之合志自惕 周易集義卷一 陰畜眾陽力至弱也況 五求恕

九五有学攀如富以其鄰 **学有在陰爻有在陽爻程子謂中虛信之本中實** 能富與四為鄰也致富者四而用四者五也故曰 鄰指四而言卦之所以成畜四能畜陽也五之所以 以待其下上下交字拳固无間畜道成矣畜有富象 漢宣帝房元齡之於唐太宗皆有此象 出而无咎矣不舉血去省文也後世若張安世之 質是也九五當畜之時以剛中居君位而四官 四日有学是積誠以屬其君五亦日有学是推誠 承

|九旣||兩旣處尙德載婦貞厲月幾聖君子征凶 陰柔之畜剛非 **既處止也旣止旣和畜道成矣載積滿也四用柔巽** 平陰陽之義莫著於夫婦故爻解以此言之婦以 五居君位能用四以成其富而相学之固如此有 德尚往以至於上九之時則往旣極而積巳滿矣 以異順之極處畜之終從畜而止者也旣雨和也 下同其富之象馬故日不獨富也 **学攀如不獨富也** / 周易集義卷一 朝 一夕之故由積累而成可不戒 六水恕齊

不早防微 當其畜而不和猶可言也旣和而惟其所爲不可言 陽使不得不出於姑息而日 皆陰也其陰鷺之性皆深險不可測其始以柔道牽 非 日既雨旣處德積載也君子征凶有所疑也 特力不能且勢不可凶之道也夫女子小人夷狄 斯時之君子雖欲起而正之尚可救乎有國家者 馬 轍相鄠可爲痛哭流涕長太息者也 征之爲言正也君子至此時猶欲征而正之則 月遡日以 杜漸至於牝雞司晨太阿倒授積懦之勢 為明者也堅則與日敵 日引月長浸成倒懸之 故幾堅則

成而不可易矣斯時之君子亦惟退而自全耳尙 三 乾兌 上下 而正之乎疑者嫌疑之際也婦挾其夫如唐之武后 小人挾其上 未有不凶者城狐社鼠鳥得无所疑乎 德尚往至此其積盈滿 訓禮也又爲有所躡而進之義下兌上 剛强之後有履虎尾而不見傷之象故卦于 不咥人亨)轉疑於|不順當時之君子激於忠憤而欲 / 周易集義卷二 一如漢唐之宦寺皆挾天子以令天下將 而陽爲所制不正之局 七才恕善 一
立
和 說

条日履柔履剛也說<u>而應乎</u>乾是以履虎尾不咥-危則雖危而无咎虎咥人者也然以和說履之則不 難而无咥人之患唯有亨之利也愚按人之涉世多 亨乎然非阿諛苟容之謂也禮以行之遜以出之而 是危機踐履不可不慎惟戒謹恐懼常若履虎尾之 取其為害也然履虎尾有咥人之患履乾之道者雖 四爻言虎尾馬郭氏曰履者行道之義或天道也天 之所難履而行之者故有履虎尾象直取其難非

履以六 **兆于春** 應乎乾也夫敬以和何事不行君子履以 君臨天下履帝位而不疚也夫君臨天下以一 馭四海使所履不正而蹈于非禮則政令紀綱弛于 剛暴而无虞矣九五履乾之正位以剛健中正之 三陽之剛故有履虎尾之象然而不咥人亨者說 讒說殄行恣于下疚矣書曰心之憂危若蹈虎尾 履帝位而不疚光明也 小不疚若疚乃光明之本也呂氏日 須于至難至危之處試驗過 三成卦三以 /周易集義卷二 一陽之進上 和行雖 一身撫 抵

象日上天下澤履君子以辨上下定民志 中矣 志定然後可以言治民志不定天下不可得而治也之分以定其民志夫上下之分明然後民志可定民 程子曰天在上澤居下上下之正理也人之所履當 如是故取其象而為履君子觀履之象以辨別上 及卑自履虎尾推之自危及安天下之時位皆在其 古之時公卿大夫而下位各稱其德終身居之得其 分也位未稱德則君舉而進之士修其學學至而君 无過履虎尾尊无過履帝位自履帝位推之自尊

九素履往无咎 使各當其分以定民之心志也 限故皆有定志而天下之 矣此由上下无定志也君子觀履之象而分辨上 **交鷮于利天下粉然如之何其可一** 公卿日志于尊榮農工商賈日志于富侈億兆之 人不能安于貧賤之素則其進也乃貪 非有預于已也農 一初處至下素在下者也而陽剛之 //周易集義卷二 心可一 後世自庶士至于 也欲其不亂 、躁而動 求

履言初九居履之初未為物遷率其安貧樂道之 **履此而往獨行其平昔之志而巳龔氏日赤子之** 心 一故得其進則有爲而无不善乃守其素履者也 未達之所守皆所為素也愚按履卦專就人之踐 **爵者其素履本不可問況自唐以後取士以** 未變者也履以行為義若能從此以往不改其素 素无飾也大行不加窮居不損豈借美于外 ·未有不率其素履者也後之要人質而 人修其天爵而人爵從之窮不失 履其素其處也 樂其進也將有

象日素履之往獨行願也 无咎也 也 若欲貴之心與行道之心交戰于中豈能安履其害 程子曰安履其素而往者非苟利也獨行其志願 皆從事呫嗶以要利禄而巳其素所履如此殆无 而可然敦厚之儒能守其樸實之素以往者亦自 **坦坦道之平易也凡行于道路者由中則平坦從旁** 則崎險九一 履道坦坦幽人貞吉 /周易集義卷二 | 以剛居中是履道而得其平坦者也又 十求恕齊

象日幽人貞吉中不自飢也 吉也 貧賤而取富貴患得患失之意亂其中是以常若履 崎嶇而戚戚也君子尊德樂道以仁爲安宅義爲下 然居易以俟守正不移雖不求吉而守正者自无不 不能動君子之心坦坦履道不改其幽人之貞吉敦 本可行乃六三居上以被之不能自明故曰幽 二居中得正故以君子之踐履言之夫人惟欲去 在其前亦有虛而无礙之象王氏曰二與五同德 不以窮達而有所加損小人雖能阻君子之進云

六三眇能視跛能履履虎尾咥人凶武人為于大君 能行耶則眾剛而獨柔謂其不能行耶則又履乎剛 中天下而立定四海之民而幽人之心自若 王氏曰三以陰居陽以柔履剛謂其明耶則眾陽而 必如履道之幽人乃與能不自亂也高氏日 陰謂其不明耶則又居乎陽眇能視之象也謂其 不中不正故不自度量而一 虎尾而受咥人之凶也若不 / 周易集義卷二 象也是體暗而用明才弱而志剛者也 自飢明境非能飢 于進敢于蹈危以 人自飢

象日眇能視不足以有明也跛能履不足以與行也咥 八之凶位不當也武人為于大君志剛也 之體爻則據其時與位而言所以不同觀彖曰凡X 既斷吉凶之後而又加一 六三質暗才弱本不足以有爲以當履之時一 反決其占也 主適與時遇是以不顧其位之不當勇于行而履危 丽惟武人用之以 二而言曰 也惟武人用之以為王事雖以弱勢困 (有為于大君之事則可然象) 解者皆發明占外之意以 | 陰為

勁敵而一 四履虎尾恕恕終吉 **終獲其志故終吉沈氏日乾之初虎之尾也四正** 君子之于行戒謹恐懼安不忘危况當 其位故有履象愚按三以陰居陽而凶四以 凶後言之用各有當也 而吉然則吉凶无定顧自處何如耳 口想想終吉志行也 地故曰履虎尾然以陽居陰以謙爲本雖處危 /周易集義卷二 于進以行其志之剛則可故爻解于咥 土水恕齊 分易居住 地平

九五夬履貞厲 爲夬乾陽居位得中以臨兌以夬道應履者也厲之 雖欲履之而進輝其威而自詘所謂光明而不疚也 為訓有以嚴威爲言者貞厲謂其秉正而有威也九 船山王氏日夬剛決柔也兌乘權則爲履乾乘權則 以終吉也 **童溪王氏曰以剛中履帝位剛足以有抉中而且** 五剛中正以履帝位健而能斷難說而不可犯六三 然愬愬戒懼叉非畏葸而不行也戰兢自持安其身 而後動將以行其志也有以處危地身安而志行是

則必嚴 臨天下也 未合象象傳意船山王氏之說最爲近 況 尾之 九五之位乎愚按此爻 而息中有時而過 時其危懼戒謹之心 以絕之剛決而不稍假借卦以兌 |不敢自任其剛明| 周易 不當矣然或不 說媚君之象故必用 正有時 先儒皆以 正性不忘危厲之 而獨于巧言令色 可俄 為 頭而不置 理夫聖· 剛快之道 剛快太過 芝 念

上九視履考祥其旋元吉光明也 而後可信上處履之極履道成矣故視其所履群善也旋周視之无所虧缺也人之所履必觀 惟中正當位故剛決而不爲陰柔 厲 一大履貞厲位正當也 解亦无不可也 心若疚所以不疚宜乎帝 **祥必周視之而无虧缺乃爲履道之大成** 店剛亢之 地乃下應乎柔能

象日元吉在上大有慶也 泰通也坤上乾下象天氣下降地氣上 其旋豈易言哉或謂履之上九統全卦而要其終 坤苋 達小謂陰大謂陽陰往而消陽來而長又爲小 往大來吉亨 一履之終也言於履之終而得元吉則大有福 和說行其剛健不懈於終 一爻言也象傳曰元吉在上 ▼/司易実後送二 乃周旋中 草状 心 蘇

彖日泰小往大來吉亨則是天地交而萬物通也上 |而其志同也內陽而外陰內健而外順內君子而外 天地以 釋小大之義夫天地之間有陽必有陰有君子必 亨也程子曰不云元吉元亨者時有汙隆治有小士 、君子道長小人道消也 以類言內外釋往來之義陰陽健順君子 /氣交而物通者天地之泰也上下以心交 概哉言言亨則可包矣 ·進世運方隆之象故爲泰泰之 リルインライニ 家也陰陽以氣言健順以德言君 道吉而

左右民 自遠矣 君子道盛則小人自化也故舜揚舉皋伊而不仁者 輔相其生成之德然後天地之間太和翔沿无 **遞彰其宜未盡協也人君** 天地交而陰陽始和萬物初達所以為泰然其道未 血善抬國者化貪詐為良能小人道悄非悄小人也 「天地交泰后以財成天地之道輔相天地之宜yi 、必欲絕而去之有是哉善養身者化痰邪爲氣 所致泰之機在此保泰之道亦在此也 √周易集義卷二 體斯象財成其氣化之偏

初九拔茅茹以 當泰之初在下之賢皆思進而有爲在上之賢又從 朋進則為泰小人之朋進則為否否泰之 子小人未有能獨立不賴朋類之 吉也泰運ク 而拨引之相招以偕進如拔茅茹而其根相牽連以 茅茹茅根之相牵連者或日二 糾結拔之則牽連彙起初以陽爻居下有剛明之 棄起也棄類也賢者以其**彙**進同志以行其道是以 (才聚而升于朝世之所由泰也自古君 開天也而成之者人也上下交而志同 助者也然君子之

九二 象日拔茅征吉志在外也 也得句乎中行者九二以乾德居中有此四德將進 險之勇也不遐遺者仁不忘遠也朋亡者公无偏黨 是雖日天命豈非人事哉有國家者可了 應于五五以柔順得中下應于二君臣同德是以 **荒者荒穢包者包涵之量也馮河徒涉用者用其瘠** 楊氏日君子之志在天下不在 而盆佝恢其中行之道也程子曰二 一包荒用馮河不遐遭朋亡得尙于中行 オ為上 ■/ 周易集義卷一 一所專任故 一雖居臣位主治泰者也所 一身故日志在於 一以陽剛得中上

義也愚按聖人觀象繫辭語无泛設所以舉是四者 必行有此四者故曰得尚于中行言能配合中行之 之在僻陋皆遐遠者也絕去朋與之私斷以大公而 亦皆因象以立言也二以陽剛居中得正上 施剛果之用周及庶事遐遠不遺若事之隱微賢 有荒遠未盡服荒穢未盡理者上有三陰是其象也 之應下得二陽之助故爲致泰之主夫泰運初開必 用憑河不遐遺朋亡四者處泰之道也以含容之量 不可无包之之量顧第日包之而不能發强剛毅 謂上下交而其志同也故治泰之道主二而言包荒

馮河一 其泄邇忘遠也故口 不外是矣 化異類為同心非可黨同而疾異自隘其量也故 包荒得佝于中 中之德體用如此聖人備指以示人而致泰克 朋亡有此四端相濟爲用所以進尙于中行九 无掣肘其剛果足以濟深越險 |與初及|||同德相近而外卦之陰則相遠慮 周易集義卷二 句而通 行以光大也 足解四者 不遐遺三陽彙聚方欲招攜 乾健之德 日闢其荒故日 į 一交而信任獨 能如是

鬴 其字而不能盡人事以防之亦何盆之有惟常思其 製危而守以正固乃可保其泰而无咎則彼必至之 其怠則攻其隙艱則无怠之可乘貞則无隙之可攻 則雖盛而非滿也徐氏曰小人 平者陂往者復皆天道之必至而有孚者也然第憂 二无平不陂无往不復艱貞无咎勿恤其学于食艺 此則可以 (勿恤我固有之福可以常享矣蓋德踰於祿 光明廣大也 无咎可以勿憂其,字矣或日陰陽交運

象日无往不復天地際也 作矣 早戒之於豫泰之所以可保也若侍運會之隆而不 **陰亦欲長以消陽自古禍患之萌多伏於隆盛之** 復者天運之不能无艱貞勿恤者人事之所當盡天 天地際者言九三居天地交際之間陽方長以消陰 否泰相乘時勢然也雖艱貞勿恤如之何日平陂 人有交勝之理處其交履其會必有變化持守之道 人觀於此象已遠慮往復之機而致戒夫慮之 諉之天運以為无預於人事則聖人之易可无 /周易集義卷二 大求恕審

六四翩翩不富以其鄰不戒以学 **陰皆有相聯之象故於初與四發之此爻之義或**以 翩翩疾飛之貌陰虛陽實凡言不富者皆陰爻鄰指 二陽之勢方盛三陰之志相孚泰運 類相從不待戒告而誠意相合也泰否二 二陰謙降下字也愚謂一 四與五上皆失實而不富其志皆欲求陽故以 惕則泰之成卽否之始也 乙則羣陰相比未始无植黨傾陽之心 極而三陰將牽聯下復也或以爲天 一就當參用就其常論 似可特也自 一卦三陽三 八地交泰 大陰四

六五帝乙歸妹以 省而知戒耳否之九四日有命无咎疇離祉亦未定則陽蝕乎陰聖人於此著其象而不言吉凶在人深 学中心有同願也 之鮮也 程子日帝乙制王姬下嫁之禮法者也自古帝女雖 皆者統三陰而言失實卽不富之謂不待期約而相 **交際之間實否泰轉移之** 一翩翩不富皆失實也不戒以字中心願也 下嫁至帝乙然後制為禮法使降其尊貴以 //周易集義卷二 **1**礼元吉 一會得道 則陰從乎陽失道

象日以祉元吉中以行願也 時五以陰居上挾其左右之陰以從在下之陽有帝以示人辭言一事意可旁推如此爻當天地交泰之筮之用故象期其備象之所包者廣擇其最著之端 道之吉也故節取其吉象言之聖 **象而三陽居下近在左右之四與上** 乎陽者義可類推耳 其夫也愚按泰之六五以陰居尊下應九三 下降之象故為歸妹之吉占而凡降其尊以順從 行願謂以柔中之德行其從陽之願故能受祉 三人作易本以為 一皆陰爻未爲君 一雖有

象日城復于隍其命亂也 一六城復于隍勿用師自邑告命貞吝 居尊者之戒泰極將否之時人心漢矣師可得而 本非君位因當泰之終以陰居上就世運言之以 一終將反乎否如城土頹圮復返于隍也愚按 白掘隍土積累以成城如治道 主所居當此政教陵夷之後一 /周易集義卷二 出國門乃欲以告命威人其誰應之雖 ·猶幸陰柔不敢用師故未至凶耳 一人僅亦守府 **싀成泰及**

否之匪人 皆否之匪人**一** 不可以一日 得志則君子之道否塞而不行矣夫正道之在則平時與君子如枘鑿之不相入者正斯人也是不閉塞也王氏曰匪人猶言匪君子人也人非 草炉上下 明其有以致之也 邱 命卽自邑告命之命城復于隍變亂之 志則君子之 不利君子貞 元也今也君子之道否塞而不得行 命令願倒有以亂之哉歸咎於 利乎貞故也夫惟被己之勢旣不 往小來 正斯人也匪 介非君 事而

而萬物不 日否之匪 **今上下不交是天下无邦也** 否泰反其類故否之辭皆與泰反建邦以爲治也 而 [政以宜民民戴君而從命上 **禄位祭之芮氏**日小人 外剛 (地不交否君子以儉德辟難不) 通也上 [收斂其德不 者往而小者來也 //周易集義卷| 内 人不利君子貞大往小來則是天地不 小人 |下不交而天| 而外君子小人道 形於外以辟小人之 之忌君子 下无邦也內陰而外 下相交所以治安 長君子道 可榮以 特尼其有角 難人 禄 消 陽 也

初六拔茅茹以其彙貞吉亨 道似不如朱子指爲戒小人之辭意尤深遠也 朱子曰三陰在下當否之時小人連瀕而進之象] 悶 初之惡則未形也故戒其貞則吉而亨蓋能如是則 其心其優為者也若有道德而不立其名非遯世 一圖之者无不至矣故君子之處否也簡減不入 潛確之君子蓋難言之矣 人耳目則小 君子矣愚按程傳以初否而在下爲君子之 德望以擯棄之人而令名大節昭昭 人必疑其有干進之心而為己 病所 而

六二包承小人吉大人否亨 **豈非小人之大幸哉故傳特以志在君明其義此** 君而不在乎利已則得其正而身名俱泰吉且亨矣 可轉之機小人之初尙有可移之志苟能志在乎忠 初因其上 私矣按否之 I拔茅貞 子日小人變為君子則能以 八救世之苦心化人之微意也 日陰柔而中正小人能包容承順乎君子之象 一進之心而勉以貞正之義夫否之初固有 周易集義卷二 吉志在君也 一初實小人競進之時聖 君爲念而不計 人傷之故于其 三求恕

按六 道自處當否之時惟安守其否以亨其道而已爻 並舉小人大人者易爲 順以包承乎陽而无傷害之意亦自有其吉者否 抑陰而不欲陰之 大人言指居在下者非邪佞小人也若夫大人 小人之吉道也大人 一陰與上不交而亦若以應言之蓋聖 被承于我而自失其守也楊氏日 而不敢露承而不敢拂故吉若大人則否而亨愚 一柔順居中位與五應故雖當否之時苟能柔 ·怙惡以自絕其旨深矣此 八則當安守其否而後道亨不 **小筮用將因神道以** 小人之事上 **元**贊 易扶 則 也 可

六三包羞 閒者擇所自處焉 羣身雖否而道亨也不以道而身亨乃道之否也 濫巳甚忍恥冒處故謂之 楊氏日六三德不如六二 否亨第以吉屬之小人不可為訓特兩繫之 程子日大人于否之時守其正節不雜亂于小人之 1大人否亨不胤羣也 為不吉則小人自有其吉若 ·中故日包羞愚按六三居下之上以進逼乎陽邪 /周易集義卷二 而位益高舍正從邪有愧 包蓋斯其胡廣孔光之類 為吉則大 Į **| | | | | | | | |** (人唯)

堪 歟 意而冀其自悟吉凶未可定也 忍 陽 包羞位不當也 問 卦至此其勢不可解矣夫小人之 則其傷善之 可羞也特迫于勢而悍然不顧耳若猶存羞惡之 姑 陰居陽位乎陰之上以 有足羞者若知其可羞而不顧 非不 因其逼而繫之日 可幡然改計也故約其辭隱寓諷諭 心或可稍緩聖人于此不忍正言其 包羞以明其內之所包 進逼乎陽 害君子非不知 无如何也若 不當之甚也

齊九四以陽居近君之位 說之中意亦未暢**愚謂命自指君命言否過中**則 咎而轉為泰如九四所承之王 失治亂之機也泰以命亂 而成泰命者天之 項氏日泰雖極治以 天命程子謂能使事皆出于君命則无咎項氏持 一下之交通而否可轉受其祉者豈獨疇 耶世之治亂豈非君耶愚按此爻命字朱子以為 //周易集義卷二 **鳴離** 一所令君之所造也道之廢興豈 祉 「命亂 而入于否否即可以 而成否否雖 [納王命者也王命之 一命皆能有得 極 類之三 鼠以 西水恕

象日有命无咎志行也 九五休否大人吉其亡其亡繫于苞桑 **耆**乎 交則是其志得行也 其亡矣其亡矣心之憂危惟恐本根不固如欲繫 四有濟否之志能承開誠布公之君命以通上下之 五以陽剛中正之德居尊位故能休息天下之否大 哉陸宣公從德宗于奉天亦否之極矣乃擬進罪己 之詔以通上下之志而大亂以平其斯爲有命无咎 之吉也然猶未離乎否也深慮遠戒不諱危亡

象日大人之吉位正當也 之否是以吉也无其位則雖有其道將何爲乎故聖 息其否耳否者上下不交而天下无邦能休其否以 程子曰有大人之德而得至尊之正位故能休天下 通上下之交俾邦本復正誠大人之吉也然王澤 之得位者也然當否之時非能遽轉為泰也特能休 人之位謂之大實按九五以陽剛中正而居尊大 **戒深矣張子曰以亡爲懼故能休其否** 惟能戒懼危亡則如繫于苞桑堅固而不拔聖人之 ·桑也桑之根最深固苞謂叢生者其固尤甚 周易集義卷二 **盂**求 恕 齊

變也休否之大人亦惟以寅畏祗懼之誠所天汞命 蠹其勢不能恐事更張正如否卦下之 或有所牽制醬諸大厦多歷年所外若堅完內實 悉除風俗偷而民志不能遽定賢不肖溷淆而舉 III 俞氏曰否終則倒轉而為泰故曰傾否愚按以 巳 傾否先否後喜 亦其勢然也蓋立國旣久則法紀慢而錮 中興之主莫著于殷武周宣然終不能復開 而復振之人心巳渙而復聯之其勢猶岌岌焉自 三陰不可遽 習不 國之 錯 可

時固聖· 極 休以為傾也兩爻當參玩 際傾否之時而其道巳備上九旣值其時卽蒙五之 而 居 否 **否終則傾何可長也** 徳非盛于 天不違者休否之道即傾否之本也故九五雖未 而必反理之 傾之 極能傾時之 而後能也則字要歸到 一何可使長否也正責成于人之意 周易集義卷二 五五止日休 一常也然反危為安易亂為治必有 否者也否極而傾故先否後喜 而傾必待上 人事謂否極則當 者時為之也 ||天|| 求 恕 齊 思 剛

同 故為同 得位得中而 一之道為本 大故亨天 日 亨利 同人 大同之道聖賢大公之心不 于野謂曠野而无 與 然必其所同合于君子之 下皆同行之以 **速**九 THE THEFT 同也 五叉 不出 離遇 佳 健 私也有亨道矣以 惟 正者故る 何險 乾 陰 而五陽同與之 比于 道 同于 放 乃爲 健 利

應君子正也惟君子為能通天下之志 日同 程子曰柔得位謂二 莫不皆同雖居千里之遠生千歲之後若合符節不 期同而自无不同亦惟守其貞正得人心之公理而 无私可以蹈險難者乾之行也无私天德也又以一 子廓其大公之心推而行之四海之廣兆民之眾 同人于野亨利涉大川乾行也文明以健中正而 | 以中正應之得中而應乎乾也故爲同 **八柔得位得中而應乎乾曰同人同人曰** 周易集義卷二 一以陰居陰得其正位也五中一 玉求恕齋 日程此子

克己故能盡大同之道然後中正而合乎乾行也王 則非暗私之好剛健則非柔佞之交君子之同同于 道也同于道 順得人心之同然斯為大同之德而非苟同也文明 氏曰不言應剛而言應乾者以无私之天德與物相 **理而已文明則能燭理故能明大同之義剛健則能** 故能通天下之志聖人視億兆之心猶 所以同天下者茍以從人之欲而利于此者傷于彼 君子之正道也天下之志萬殊理則 體言其義有文明之德而剛健以中正之道相應乃 列能通天下之志而天下同之小人之 也君子明理 一心者通于

初九同人于門无咎 象曰天與火同人君子以類族辨物 也吾 明之而處之不失其方所以化異而爲同也 善惡是非之理物情之離合事理之異同君子能辨 如天照察之明如火以 天在上而火性炎上 合于前者難 氏曰初九同人之始吾與人曷嘗不同隔之者門 出門則天地四方孰不吾同何咎之有愚按 **一周易集義卷二** 初與二比于門指六二 于後自以為利而非利也 一其性同也君子體之含宏之 類族辨物若君子小人之當 一而言初近于二 天水恕齊

象曰出門同人叉誰咎也 相比如· 必有所同同人之初未有私係而適與中正之六二 其自然非如三四兩爻界居一 麗爲明故无咎也 五所忌也又誰咎之乎隨卦以相比相隨爲義初九 林氏曰內不失已外不失人又誰得而咎之愚按 **志相得如人初出門締交而卽得良友本无私係** |同人于宗吝 陽隨二之陰爲出門交有功可與此相發明 人初出門即得同里之賢爲友其相得也因 五之閒爭合于二 爲

象日同人于宗吝道也 氏日以卦體言之則有大同之義以爻義言之則示 係應是有所偏與在同人之道為私狹矣故可各 而巳何能及遠乎 然就所親近者而與同雖得其善者亦一 王氏日君子之交近不必比遠不必乖是以友天下 之善士以爲未足考三王俟後聖而求 阿黨之戒 | 伏戎于莽升其高陵三歲不興 子日宗謂宗黨也三 周易集義卷 |與五為正應故日宗同于所 鄉之善 揆若規規

程子曰三以陽 成也四薇其前故曰伏于莽居下之上故曰升其 伏藏兵戎于林莽之中懷惡而內負不直故叉畏 時升高陵以顧望如此至于三歲之久終不敢與 又與之比然一 凶也愚按師直為壯曲為老三居其曲宜其老 爻深見小人之情狀然不 陵 一五之間欲奪而同之理不直義不勝故不敢顯 之時志在于同卦惟 一以中正之道與五相應三以 剛 而不得中是剛暴之人也在 一陰諸陽之志皆欲同之一 日凶者旣不敢發故未 「剛强」 同

象曰乘其墉義弗克也其吉則困而反則也 象曰伏戎于莽敵剛也三歲不與安行也 九四乘其墉弗克攻吉 程子日四剛而不中正其志欲同二 亦可悔禍而安行矣 乘其癩矣則非其力之不足攻也特以 其切近于五如隔墉耳乘其墉欲攻之苟能自 所敵者五旣剛且正故畏憚而伏藏至于三歲不與 乙不直而不攻則為吉也四以剛居柔有困而能反 一義
義而能改其
吉宜矣 /周易集義卷二 一亦與五爲仇 (義之弗克而 知義

剛强故必用大師以勝之乃得相遇凡處同人而不 而閒之始雖見阻而號咷後必得合而笑也然三 直 五. [同人之先以中直也大師相遇言相克也 謂理直五與二 與二正應而爲三四二 **言順故能相克也** 人先號咷而後笑大師克相遇 **丁郊无梅** ·用師故三四五三爻皆有用師之象 義斷困而反于法則故吉也 |義所當同曲在三四五之用師 一陽所隔義理所同物不得 匹

日同人 于野足以當之上 是也蓋聖人廓然大公絕无私與故能以 則所同者遠亦无 家中國為一 及于野則所同者未能周于天下 在 无同之者則靜而不通乎物也故无悔 一于无悔而已楊氏曰六爻有不能盡卦義者同 野之內未至于曠遠也上 (于郊志未得也 1志未得 **周易集義卷二** 人情无不学恩无不治惟卦辭 |九居卦之外而无 私矣然猶未極乎遠故不能 所繫應而同 -非盡大同之道 應不 同乎人 m **王 求恕齋** 四海為 同

鄭氏 有者大 應之 居陽之 有元亨 有之六五明體而虚中所以爲大有惟其 文明應 離乾 《有柔得尊位 中日 也大非陰柔所能 為大陰為小 乎天而時行是以元亨 [大中居尊執柔] 有卦之德內剛健而外文明六五 大中而上下應之 大有為富有盛大則失其義矣 有也必 居尊而 不自滿假故 冲 虚 が所有者 自滿者 所歸 い同志

象日火在天上大有君子以遏惡揚善順天休命 也同 命也 朱子曰火在天上 、日同人大有皆以離之中爻爲主而以乾爲應者 以抬之則釁櫱萌於其間矣天命有善而无惡故 有離在上 天討有罪吾遏之以天天命有德吾揚之以天吾 惡揚善所以順天反之 居尊以文明之德順應乾行應乎天而時行也 八離在三 //周易集義卷二 位為主故日應乎天而時行者應其 一所照者廣為大有之象所有旣 (德為主故曰應乎乾者應其德 於身亦若是而已矣楊 呈求恕產 也

象日大有初九无交害也 初九无交害匪咎艱則无咎 揚 也何咎之有然以為匪害而以易心處之咎將從此 生矣必艱以處之則可保其无咎初尚如此況進於 初者乎思艱兢惕之心自初至終當不懈益虔可知 大有之時最易致害初陽在! 何與爲故 而辨大有離在上而權由己出故極於遏而 爻義可推於全卦也 順天休命同 八離在 下未與物接 下而權不 敢 專故

墬 之而行才富窐隆歸之者眾有與五分權之 害也若過此而有交則有害矣安得不惧終如始 著大有爲黃氏曰以九居初是初心未變无交故无 |大車以載有攸往无咎 **祐於終故初日大** 氏 氏曰九二剛而居中為羣陽之所附託皆惟其載 難處之也 一應六五 //周易集義卷二 專而行順不得以 示居之 有初 心以爲己有而往以輸之 九上 逼 必有克艱於初而後 一日大有上吉獨本 権養眾歸己 **善求恕** 象疑有

九三公用亨于天子小人弗克 **象日大車以載積中不敗也** 之意 主能有此德 居下之上有公侯之象剛而不中故有小人之戒乾 傷後世惟諸葛武侯望重道隆而集思廣益以事沖 咎之愚按王氏之說尤透闢似獨得聖人取象 朱子曰亨春秋傳作享謂朝獻也古字通用愚按三 王氏曰誠信之輸於五者積於中則持盈而物莫能 健而陽富席盛滿之勢以上奉柔弱之主自非恪守

象日公用亨于天子小人害也 四匪其彭无咎 論其位則爲公用亨于天子 小人之心則反為害矣自古小人享非分之 不以盈縊致害者固非國家之 **儆之小人器小易盈自弗克當此隆遇也** 度之君子鲜不以 彭盛多之 1則其盛皆五之盛而非四之盛愚按四 周易集義卷二 以剛臣近柔主疑于自專其盛由離)貌唐氏曰居近君之位率諸陽; 盈溢致害者故言小人 ,而其德古 未可定也 **医水恕** 當

明智之 **晢明也九四當盛滿之時能辨之至明知盛滿之不** 身其斯之謂乎唐氏看匪其二字尤細 僭逼咎所由生也然九四明體居柔是能謙以 匪敢有其盛多者故得无咎詩曰旣明且哲以 一厥学交如威如吉 匪其彭明辨晢也 有過中之時極其盛矣叉以 居而抑損以遠咎謂之明辨而又謂之晢者見其 極也 君能使人不敢違不若使人不忍違六五 W / 11111111 11 . 剛處多懼之地嫌

聚日厥学交如信以發志也威如之吉易而无備也 盛且六爻皆吉豈不以六五以柔居尊位欽明恭讓 **以誠信感發眾志則天下之志應夷然和易而不怒** 之威自孚于上下恩按五虚中而明于任使其俯有 為所有上 **孚逍極盛矣第謹上下之分以臨之大公无猜而自** 張子曰君子以至誠交人然後有威重君子至平易 有德威之可畏吉孰加爲一 羣陽也以循物无違之道行坦易无疑之心眾皆願)德協和萬邦而天下蒙其福哉 // 問易集義卷二 一虚中以孚乎下下實心以孚乎上 陰五陽之卦大有爲最 **玉求恕**齊

一九自天祐之吉无不利 以感發天下之志也威如之吉非有意示威所謂 爲戒辭未免別生 諸侯則天下畏之自平易而无猜備也說者多以 為備則亦不勝其備矣法制密而誠意消是豈大有 有何關防擬備难以抑抑威儀為德之隅儼然人 而畏之鄭氏日以柔順而有羣陽區區焉設關鍵以 所助者信也履信思乎順**叉**以付賢也六五之君 君哉愚按虚中爲学信之象發志者 氏日繋解傳曰祐者助也天之所助者順也人之 義也 人之信足

宜獲是福于終可驗也易之取義若是者眾小畜之 言五而繁之上何也五成卦之主上其終也五之德 也 得為婦與月說易者其失在于妮爻以求義故以 信思順尚賢歸之于上九也易之所謂尚者上也五 厲之婦幾堅之月也若指上九而言則上 **九在上尙賢也五獲天之祐吉无不利由其有是** 九曰婦貞厲月幾聖言六四之畜陽至上 鄭氏曰五厥学交如履信也居尊用柔思順也 而言于上九者蓋言大有之吉以 /問易集義卷一 一吉則知此吉大有之吉也非止上九之吉 一此終也故 九陽也人 一而爲貞

象日大有上吉自天祐也 宜六五吉无不利蓋陽在陰上其象爲天賢在君 太有至此愈有隆而无替也然則當大有之極莫 所謂叉以尚賢則上九是也祐之自天吉无不利謂 尚上九之賢故自天之施于上 其象為師傅 下諸爻應為人助以上一爻應為天祐之天祐 項氏曰大有上吉明事關全卦非止上爻也王氏曰 也在五之上 一柔有五剛上 J = 7111111 47 -一為天象如大傳所釋又為賢之象五 一九獨在五上五能尙之繫辭

尚賢之象此中消息 以 程子 之 之象故終得天祐而 坤艮 **陰乘陽則為後夫** 理大有之 上下 山至高而地至卑乃屈而止于其下謙之 |謙有亨道人以 有 一樣者有而不居之 所以 周易集義卷二 应 得天叉莫大于尚賢 極而當變矣然其卦有滿 亦可参也 之 无 囚 不利大有與比相錯 謙巽自處何往而不亨君 一義止乎內而 |陽加陰則 愚按論 順乎外謙之 丽 象也 虛

矜安履乎謙終身不易君子有終也王氏日君子 以縣亢傷之故雖至于聖且不自聖以求進德于 終者必君子而後能終其謙也君子知道之无窮 已而虚受萬物以廣其仁愛斯則謙而有終矣若老以騎亢傷之故雖至于聖且不自聖以求進德于无 未之見其于天下也則匹夫匹婦勝予是懼而不 張故翁以其至柔馳騁天下之至剛己愈退則物愈 知能之有限故學而知不足敎而知因歉然空道 之敎以 待其進之已盈為物情之所不容然後起而撲 私智窺天地鬼神之機持人情之好惡 **巽達埋故樂** 天而 競內充 故退讓而

彖曰謙亨天道下擠而光明地道卑而上行天道虧盈 而好謙謙尊而光卑而不可踰君子之終也 益謙地道變盈而流謙鬼神害盈而福謙人道惡盈 項氏曰天道下濟而光明地道卑而上行此以卦體 地道處勢至卑而升在上卦是卑而上行也下濟 謙相反其亨也不如无亨矣 桿故其流為兵家之陰謀申韓之慘刻其終如是與 釋卦辭也九三乾也降在下卦是下濟而光明也 卑皆釋謙字光明與上 > 周易集義卷二 者以為妙道之歸則始于謙者終 |行皆釋||亨字||天氣下降地氣

象曰地中有山謙君子以裒多益寡稱物平施 程子曰山之高大而在地中外卑下而內蘊高大故 光卑者行之則不可踰亦卽下濟上行之意也始雖 義所以戒盈而勸謙者至矣 謙之必有後屬質之于天地神人之心以明有終之 \施于事則裒取多者增益**寡**者稱物之多寡以均 下終必高明是有終也自天道虧盈以下皆極言 **腾則萬物自亨遂也自人事言之尊者行之則有** 親謙之象見抑高舉下損過盆不及之義

故臼 至爭先而有失故吉 何也三在下卦之上勞而能謙在上之君子也初 川貴于遲重不貴于急速用謙退之道以涉川自己 牛羊然使之 「謙謙君子卑以自牧也 卦之下謙而又謙在下之君子也胡氏雙湖曰涉 氏曰牧養也恆以謙卑自養其德也張氏日如牧 子曰初以]謙謙胡氏曰謙主九三故稱君子初亦曰君] /周易集義卷二 |馴服方可以言謙 柔順居 用涉大 川吉 下爲自處卑下之至謙而又謙 **芜求恕**齋

象日鳴謙貞吉中心得也 六二以柔居柔在下得中鳴其謙以自安于九 下得其正而吉其謙巳遂故日中心得也上 乙志故日志未得也 于聲音顏色故曰鳴謙居中得正故曰貞吉 |勞謙君子有終吉 一為正應而居其上 勞謙者有勳勞而特謙德者也三以一陽止 一以柔順 居中謙德充積 一雖自鳴其謙而不得遂其自卑 故發于外 與

恭自牧夔夔如畏然可謂勞而能謙矣夫樂高好勝 成卦在此一 人之常情平時能謙固巳鮮矣況有功勞可尊乎雖 于泰義利公私之別于斯辨矣程子曰古之 之老氏之處錞而不敢為天下先以避艱難而自居 居三陰之下有勞不伐君子所以終其德業也謙之 **八欲其有終不可得也惟君子安履謙順乃其常** 者問公是也身當天下之大任上奉幼弱之主謙 ✓問易集義卷二 陰方在貧寡己力任其勞而匡濟之乃退 爻故卦辭曰君子有終九三之德實當 而爲之若矜負之心不忘則不能 罕求恕촑

象日勞謙君 程 程子 免自矜自伐則萬民亦啟爭心必有 而能終于謙歸功于人 故久而不變 服者乎書日汝惟不矜天下莫與汝爭能汝惟 天下莫與汝爭功其斯之謂 四居近君位當恭畏以奉謙德之 能勞謙之君子萬 子萬民服 所謂有終有終則吉也 施為无所不利于 也 (而不自居民亦各懷謙志焉 民所尊服 歟 也愚按勞而 不服者矣惟 一君卑異以

象日无不利捣謙不違則也 地 禄无實而處其名若是者失謙道矣不可以不戒也 則法則也四之撝謙乃其時位之宜必如是然後 象如人 不與物競而或誾于事理辭受失宜无功而受其 又在賢臣之上也梁氏曰世之 孰自知其違則哉 則非過分之謙也世之貌為謙沖而內實技傲 (其鄰利用侵伐无不利 周易集義卷二 **一捣動息進退必施其謙蓋居多懼之** 人臣固有執柔守 坚求恕產

卑伏乃 有之變也夫侵伐所以有不利者出于縣忿貪黷 懷之而彼猶不服乃赫怒以 耳至謙德之君如湯之事葛文王之事昆夷以謙 何不利之有然必貪出于不得已而非以利動 而能以 而頑暴或乘間以欺其 師如日驚鳥之將擊而戢翼猛獸之 術士之陰謀而非聖人之意矣 征不服也 鄰之象豈猶有 征之自无敵于 不競侵伐之事亦謙 不服者乎抑知 **小得已而征之正**

象日鳴謙志未得也可用行師征邑國也 上六鳴謙利用行師征邑國 極謙而反居高未得遂其謙志故至發子聲音邑國 非五之比雖利行師征邑國而巳 謙極而居上欲謙之志未得也以柔居上 日所征止于邑國无敢侵伐亦謙之象 已之私有行師謂用剛武征邑國謂自治其私何氏 六以柔順之極又處謙之極極乎謙者也以 周易集義卷一

心 聖 利 P] 一揆剛應而志行順以動發豫順以動於 和 豫 建 氏曰豫者 侯行 侯行 故謂之豫也動而 樂 從其志得行也 剛 m 師 順 從 胡氏日建 動 師 應 師 四為羣 則 乎天地以 取悅豫之義以 不可也故二 刑罰清而民服豫之時義 萬國聚大眾非 陰所應志 順動 眾 一者皆繫之豫 理而動 順故利建侯以 和 故 行謂陽 日月不過 順理 志 順 大矣哉 而四時 天地 眾眾 而 動 如 動 山

祖考 會于是作樂以 雷出地奮和暢發于聲之 亦順乎理而巳故深贊其時義之大欲人研味其 物之理惟至順而已大人所以先天後 而識之也 動則天地如之 因 /周易集義卷二 一孫而節之 香爾先王以作樂崇德般薦之上 一褒崇功德宣導和氣其殷盛至于 「祖考和樂之至也荀氏日樂者)所以 沉建侯 象先王治定功成四方 行師乎天地之道 天而不違

象日初六鳴豫志窮凶也 初六鳴豫凶 豫則凶 趙氏曰位方在初時勢未窮而躁競如此是志已 程子曰逸豫之道放則失正故豫之諸爻多不得 欲以至于凶王氏曰鳴者心聲之發也鳴謙則吉鳴 石氏日四為豫主初與之相應小人得志必極其情 | 咸鬼神而況于人平 取其凶也 石不終日貞吉

遲遲耽戀之意方其靜也則確然自守而介于右 吉八二陰靜中正與四无係特立于眾陰之中而 其動也則見幾而作不俟終日蓋其所居得正故動 豫之時獨能以中正自守可謂特立之操是其節 如石之堅也人于豫樂心悅之故遲遲遂至于耽 不能已二以中正自守其介如石其去之速不俟終 日故貞正而吉也處豫不可安且久也久則溺矣如 才與時合也惟六二一爻中正无應為自守之象當 可謂見幾而作者也邱氏日豫諸爻以无係應為 小失其正如此吉可知矣項氏日 /周易集義卷二

象日不終日貞吉以中正也 當速梅若悔之遲則必有悔也愚按三以陰不中 程子曰中正故其守堅而能辨之早去之速爻言云 斷然易識不待事成故吉 弱四强人莫能分六二辨于去就之分如介于石間 間為介介所以分也說文云介分畫也當豫之時五 一處豫之道爲發之意深矣 |視于四而下搦于豫宜有悔者也其占為事 | 視也陰不中正而近于四四為卦主

兼日 盱豫 有悔 位不當也 九四由豫大有得勿疑朋盍簪 處不當位失其中正也 梁氏 日由豫者 言人心之和豫由四而致也四以 立而以盱豫取悔矣若更悔之不速而遲疑有待 處豫之道戒在不能自立而優游无斷三旣不能自 相反遲與不終日相反二中正而三不中正故也 終不能自立又必有悔之无及者矣盱豫與介于石 陽處近君之地剛而能柔眾陰之所順附此所謂 |比于四四為豫之主||三盱視以求豫取悔之道也 //周易集義卷二

與 從古公忠體國合羣策羣力以成治功者唯當盡其 至誠集思廣益則人皆將輕千里而來告之以善雖 後有以致人心之翕服故曰勿疑朋盍簪程子曰 本非同德之人亦各效其長以相助也如蜀漢之 上下之朋以歸于君如簪總合眾髮以歸于上 聚也簪之名簪取聚髮也王氏曰勿疑之道在總合 所由豫者諸葛孔明也其于蜀之人士无 有得也人旣樂從則當開誠布公待以曠大之度然 [由豫大有得志大行也 絕无 疑問而眾皆悅服其志大行是其驗也 惠按

六五貞疾恆不死 难不得縱其所樂則恆不死宜也夫當豫而不 孟子曰入則无法家拂士出則无敵國外患者國恆 亡然後知生于憂患而死于安樂也則六五之得九 裔氏日刚應而志行蓋由四以陽剛為羣陰所應故 其志得以大行也 以正自守者六二是也當豫而不得豫見正于人者 四得法家拂士也故雖當豫之時不得以縱其所樂 餘也然乘九四之剛恃以拂弼于已故得恆不死也 王氏曰當逸豫之時恣騎侈之欲宜其死于安樂有 //周易集義卷二

象日六五之疾乘剛也恆不死中未亡也 謂之貞且亦未能恆不死也或者周室東遷之後桓 得貞疾意程傳謂如漢魏末世之君則疾矣而不得 楊氏曰居豫之時无剛健之才逸于豫者也六五之 文定霸之時共主守成縣延勿替尙或近之 乘刚有法家拂士救正之故以正爲疾而中未亡 **六五是也此二與五所以不言豫也愚按王氏之說** 不快于己亦足以久其生者有戒心也是以中未亡 死于安樂矣故常不死鄭氏曰若人得 痼疾雖

象日冥豫在上何可長也 隨元亨利貞无咎 **| 六冥豫成有渝无咎** 三見 迷復之凶不可同年而語矣 雖昏冥于初荷能悔悟于後猶可不至于敗亡以視 以勸善也故更不言冥之凶專言渝之无咎愚按· 上六陰柔當豫極之時耽于豫而昏迷者也在豫之 終有變之義冥豫雖巳成能變則善聖人發此義所 |氏日豫至于上極矣極則不可以久速渝可也 /周易集義卷一 笔求恕态

其後而順之行故為隨然初陽得資始之氣四五陽 其正則有咎矣豈能亨乎愚按以下從上之謂隨此 隨之道利在貞正隨得其正然後能大亨而无咎失 卦震陽生于下以從二陰兌陽漸長而猶從一 從善臣下之奉命學者之徙義臨事而從長皆隨也 也 漸長而居中陽實為主于內其外隨乎陰特隨時之 程子曰君子之道為眾所隨與己隨于人及臨事擇 義耳非不能自主而漫為隨者是以大亨貞而无咎 所**隨皆隨也隨得其道則可以致大亨也凡人君之** 陰躡

時隨時之義大矣哉 **彖日隨剛來而下柔動而說隨大亨貞无咎而天下** 來氏日隨綜鹽鹽上艮下巽剛皆在上轉而爲隨則 物也今也得隨之義來下於陰柔則是能以上下 **彼无不說之謂也被无不說則亦无不隨矣程子口** 以貴下賤也物安得不順之乎動而說此有所動而 下柔蠱則日剛上而柔下也王氏日陽剛非在下 天下所隨者時也君子之道隨時而動從宜適變了 可為典要非造道之深知幾能權者不能與於此也 兌下震剛皆居下二 /周易集義卷一 |卦剛柔相易故隨日剛來而 哭求恕齍

象曰澤中有雷隨君子以嚮晦入宴息 顧畏民碞同其好惡所以動惟厥時而罔不說也然 我隨物而物亦自隨我古聖王聖不自聖謀及庶民 順民心善因禍而爲福轉敗而爲功雖區區霸術亦 則大亨以正而天下隨時者正隨時匡濟之而非徇 故費之日隨時之義大矣哉愚按剛下柔而隨陰以 深識隨時之義者歟凡卦義所包者大而六爻發揮 未盡者孔子特贊其時義之大以發人探省凡言 之也其義豈不大哉管仲之相齊也與俗同好惡令 莪之大者倣此

初九官有渝貞吉出門交有功 居也故曰官有渝當隨而隨變而不失其正故可以 得吉愚按隨時而動固不可執一 不可守常而不知變也變者何趣時從權不以主自 取切磋之盆也若不能虚懷以 體震以剛爻為主官也官雖貴乎有守然處隨之時 俞氏曰隨之六爻專取相比相隨不取其應初九 子嚮晦入燕息亦隨時而適其宜也 趣時故必變而從正則吉如人之出門交友將 陽氣秋冬則藏於澤中為隨時休息之義故君 周易集莪卷一 而不變亦不可含

象日官有渝從正吉也出門交有功不失也 始終也 陽剛變而隨于二二居中得正有從正之象出門之 來氏日陽大陰小小子者三也丈夫者初也二當隨 程子曰旣有隨而變必所從得正則吉也愚按初以 初即得所當與之人自有功而无失也 之時而比于三義當隨之愚按二居三之下係于三 有當從之善渝而從之乃有功焉貞之一字實貫乎 一係小子失丈夫)陰柔而失初之陽剛故有係小子失丈夫之象然

象曰係小子弗兼與也 來氏曰丈夫九四也小子六二也陽實而陰虚三 弗愼之于早哉 程子曰人之所隨得正則遠邪從非則失是无兩從 不隨叉當專一 之理愚按二之從三迫于時也旣有所係屬而不得 凶亦視其處之 居中得正其從三也時位使然非有所利故不言 | 係丈夫失小子隨有求得利居貞 /周易集義卷二 之何如耳

九四隨有獲貞凶有孚在道以明何咎 象日係丈夫志舍下也, 時之正道若失其正則墮于小人邪諂趨利之途矣 戒以利居貞自處于正則所謂有求而得者合乎隨 **雙蓋以得人之隨為獲也程子日為臣之道當使恩** 程子曰旣隨于上 從上于隨為善矣 則合義而利愚按陰雖以從陽爲利而三不中正 郭氏日六二 出于上 一隨有求得蓋隨人而有得者九四隨有 | 眾心皆隨于君若人心從己危疑之 一則是其志舍下而不從也舍下而 故

其國之安是以下信而上不疑位極而无逼上 甚失也非明哲能如是乎愚按隨卦皆以下隨上 勢重而无專權之過非聖賢則不能也其次如唐之 及于民而民隨之其得民之隨所以成其君之功致 郭子儀威簋主而主不疑亦由中有学誠而處之下 又何咎古之人有行之者伊尹周公孔明是也皆德 居五下隨有者也而居下卦之上隨之者已眾居近 **止亦凶惟孚誠積于中動爲合于道以明哲處之則** 四以陽剛之才處臣位之極若于隨有獲則雖 而有逼上之嫌九 "周易集義卷一

日隨有獲其義凶也有学在道明功也 五学于嘉吉 程子日居近君之位而有獲其義固凶能有孚在道 嘉禮也四方隨己與之相孚相率而隨上嘉會成矣 而无咎則明哲之功也 則為不學无術之霍光矣 所以雖正亦凶必內積字誠所行合道乃可免咎否 故吉愚按隨卦專以相比者為隨不取應與九五之 王氏日五以陽剛居尊位而隨于上 一也嘉善也居中得正而誠于隨善隨道 |陰陽翕合以

時以剛來下柔為以貴下賤之象與說不以道者 同故学于上六脍爻不爲剝而爲嘉也其嘉安在 **致其乎吉孰加焉此隨時之** 吉也九 | 学于嘉吉位正中也 至誠樂于從善不廢芻蕘好問而好察邇言舜之 一隨本以剛來下柔成象也九五兌體兌卦五比 以大智也不以天下隨之為泰而惟于屈己 則日孚于剝此則日孚于嘉何也時不同也隨之 日當位|而得中則隨時|而非| 周易集義卷一 五陽剛中正為 義所以大也 卦說隨之主 屈愚按 何以 人君誠

一六拘係之乃從維之王用亨于西山 用此以享祀為吉也 以陽隨陰有承祭祀而洋洋乎如在其上之象故 意如是則吉也愚按上居隨之極隨之 之享自周而言岐山在西凡筮祭山川者得之其誠 極可通神明故其占為王用亭于西山亨當作祭亭 朱子日居隨之極隨之固結而不可解者也誠意之 随善乃得正中之道也 棄也 極也愚按隨取以下隨上為 道亦窮矣

盘元亨利涉大川先甲三日後甲三日 治之理自古治必因飢亂則開治理之自然如卦之物皆撓亂是為有事之象故蠱者事也旣蠱則有復 極而固結不可解者也 治蠱則能致元亨也蠱之大者齊時之 日蠱之義壞亂也在文皿蟲爲蠱風遇山而 **《然也後甲謂後王** 周易集義卷一 川甲數之首事之 矣故為拘係從維之)始也先甲謂先于此究 家此隨道之窮 **製阻故**

此正所以爲蠱也易之道固變動不拘非可以 疑此卦以陰隨陽似賢于陽之隨陰何以爲蠱不知 甲三日辛勤告戒後甲三日丁甯宣布亦通愿按或 冶蠱者不明聖人先甲後甲之誠慮淺而事近故勞 利可久此古之帝王所以新天下而垂後世也後之 于救世而亂不革功未及成而弊已生矣集氏日先 其將然則知備之之方善救則前蜂可革善備則後 言慮之深推之遠也究其所以然則知救之之道 其陽管如大厦年久外雖壯觀內實畵朽失此 陽雖居下實為卦之主蠱之陰雖居下

也 治耳 剛上 **未至于皇惟其巽而止所以蠱也巽則无奮迅之** 因循至壞也俞氏日巽固進退不快苟非艮之 止則无健行之才于是事事因循苟且積弊以 [蠱剛上 治傾覆必矣亦幸而陰順乎陽不 一而柔下解見隨卦集氏日巽而止 往有事也先甲三日後甲三日終則有始天 日巽而止聲蓋以卦德言致蠱之由非飭蠱之 //周易集義卷一 |而柔下異而止疊疊元亨而天下治也利 者異而不 **茜**求恕 **蒼**

後甲而為之慮所以能治蠱而致元亨也愚按異一 道故能原始而究其所以然要終而備其將然先甲 則必有終旣終則必有始天之道也聖人知終始 不必暴虐无道也優柔之主庸儒之臣上下相蒙依 道也楊氏曰蠱壞矣而日元亨而天下治者何也蓋 阿苟且則事皆隳壞于冥昧之中而不可問矣蓋事 亂爲治機蠱爲飭源亂不自治蠱不自飭不植不 不振不起故利于濟大難往有事也程子曰夫有始 三字巳說盡致蠱之由異順而因循艮止而姑息 无振作健行之意事安得不日壞從古由治而飢

平 之 始要 姑 巽 機 則 叉 施 則 是開矣 之 可冒昧 終 可以 弊 旣 明 致弊之 救 易集義 避 不可轉 圖 所 弊叢 功 艱 由以 險奮 繑 由蠱 弊 亂 (清其本 而推 **而** 推 屬 卽 而 為治平治之 可識 該 轉 功 磁也必 其所以 慮 應 而 巳故 弊之 也 何 涉

初六幹父之蠱有子考无咎屬終吉 亦日育德 朱子日幹如木之幹枝葉之所附而立者 號令艮山之養成材力也易中育德多取于山故蒙 得无咎然亦危矣知危而能戒則終吉也愚按治而振起矣初六蠱未深而事易濟有子能治蠱而已壞之緒故諸爻皆有父母之象子能幹之則飭 之道貴乎早故以初爲主事初壞而亟圖之則 日振萬 振起民心而育其德作新其民猶巽風之 如風育萬物者莫 如山愚按 也盡者前

象日幹父之蠱意承考也 楊氏日前人以失而致蠱未必无悔過之心幹父之 事之不得巳不改固恐累父之德改之又恐損父之 **疊乃承考之意而致之无過之地也此聖人以子之** 名必委曲求全惕厲不安乃得其安而終吉也 為力也初以陰居內在F 賢善歸之于父為訓之義大矣 深則厥考可无咎矣然竣父之道非理之常而出于 **父有幹盤之子方盤之**|初卽隨而幹之不待其盤之 一幹毋之蠱不可貞 周易集義卷一 而為主有子幹父蟲之

程子日 若伸己剛陽之道遽然矯拂則傷恩而所害大矣 專斷而失承順故戒以不可貞 謂不可貞固盡其剛直之道也以陽剛之臣輔柔 己下意巽順將承使之身正事治而巳故日不可貞 是以為蠱之 之君義亦相近蘇氏日陰之爲性安无事而惡有爲 夫子之于毋當以柔巽輔導之從容將順豈无道 一幹母之蠱得中道也 子日二以中道而不過剛幹母蠱之善者也 一探而幹之尤難楊氏日子幹母蠱易 陽剛爲六五所應故取子幹母蠱爲義

八四裕父之蟲往見吝 程子日剛斷能幹不失正而有順所以終无咎也 而无大咎然有小悔巳非善事親 剛而不中然在巽體剛雖過而不為无順故有小悔 程 弊益甚矣六四體艮之止而爻位俱柔夫貞固足以 一幹父之蠱終无咎也 子日三以剛陽之才居下之上立幹者也以陽處 氏日强以立事為幹怠而委事為裕事弊而裕之 /周易集義卷二 也

六五幹父之蠱用譽 象日裕父之蠱往未得也 之吝 凶也 **由凶而圈吉也六四雖若平順然卻終吝由吉以燭子謂此兩爻說悔吝二字最分明九三有悔而无咎** 熊氏日諸炎稱幹蠱者皆幹前人巳壞之事六五德 胡氏日重柔以往未得遂其有事之志斯其為幹 是以往客道也愚按三 位適剛柔之中用以幹蠱宜有休譽則不特幹其事 由凶而趨吉也六四雖若平順然卻終吝由吉以 一過剛四過柔其義正相對朱

象日幹父用譽承以德也 若不知其為前人之蠱然者愚按六五以柔居尊位 既日蠱矣何德之可承夫使人不日承弊而日承德 項氏日承以德者言不以才幹而以德幹也鄭氏 鄭氏日子有幹蠱之名則過歸于親幹蠱而親不 蓋愆且能歸美者也承以德者如後世新主卽位前 之巳壞所謂立身揚名使國人稱願曰幸哉有子 于令名是用譽以幹之也幹蠱之最善者 ·應九二有中正之德是能任賢用德以幹蠱不特 ▼/周易集義卷一 (遺詔罷之之類亦此意也

一九不事王侯高尙其事 之時也在蠱之外則不當事之人也故日不事王侯 畝之中由是以樂堯舜之道者也後世如魯兩生嚴 而後行之度其時不能行其事則高尚焉所謂處献 日无事而日高尚其事愚按上九當蠱之終居无位 然當事者以幹蠱爲事不當事者以高尙爲事故不 張氏日陽剛非遺世不事事之人居蠱之終則无事 子陵輩皆當有事之時而身處事外蓋其所尙之事 **一条馬故發隱逸之義古有天民者達可行于天下** 地雖有剛明之才而不爲世用又居艮體之上有

臨元亨利貞至于八月有凶 象日不事王侯志可則也 愚按既不事王侯矣則其事不可見也見其志而已 **尚愈高違時愈遠亦徒存可則之志云爾** 程于日進退以道用含隨時其所存之 遭世者哉嗟乎士生三代之後而抗懷隆古之道所 其志之高尙豈不可為天下則哉 坤兌 上下 |高非世之王侯所能用故抗志||而不屈豈必果| | 臨大也| //周易集義卷一 一陽方長而盛大 故為臨也如卦 志可法則也 **美求恕**

為觀亦臨之反對也愚按以上莅下曰臨以尊適卑 安治未有久而不亂者蓋不能戒于其盛故狃安富 極而圖其示久若旣衰而後戒則无及矣自古天下 亦曰臨一 **浸淫不知亂之至也朱子日入月謂夏正八月于卦** 而驕侈生樂舒肆則綱紀壞忘禍亂則釁隙萌是以 人為戒必于方盛之時方盛而慮衰則可以防其滿 才則大亨而正也一 道自可大亨而正聖人因其德之說而順慮或舒 陽雖方長至于八月則其道消而有凶矣大率聖 一陽浸長以逼乎陰如以尊適卑故為臨 一陽方長嚮盛之時聖人豫為

也至于八月有凶消不久也 **彖日臨剛浸而長說而順剛中而應大亨以正天之** 程子口 探則反失聖人之意矣 戒耳深求則反失之矣大抵易象所蘊固兼理與數 相去八變聖人適因反對之卦有處于心而預爲之 **指為觀卦就臨之反對而言最為自然蓋由臨至觀** 肆而忘其艱也故預為之戒八月之說紛紜不 言而數實包乎理之中聖人聚解專就理之 點即兼言數亦就自然必至者預以爲戒求之過 1漫漸也二陽長于下而漸進也下兌上坤和 //周易集義卷一 卒求恕瘡 之切近者

日八月言陽來之期日七日其說亦通 **象月陰象八少陰之數七少陽之數故言陰來之** 伏聖人當其長而早為之戒使知極則有凶之理欲 **遂各正性命天道之自然人能體此道以臨天下則** 合乎天矣然陰陽消長如循環方其長而消之機已 相應之象上下交而志同泰之機敗矣于是萬物亭 道也化育之功所以不息者剛正和順而已愚按天 陽氣降于地中而浸長地氣應之而上騰 常庾備之而以憂勤惕厲濟其窮也陸氏曰 而順剛得中道而有應是以大亨而得正合天之 說順

初九咸臨貞吉 意思如兌澤之深不徒日保而日容保其度量如坤 之无疆者坤也愚按物之相隔其親給含容无若水 之地澤言則爲上臨下朱子日教之无窮者兌也容 俞氏曰臨有二義以爻之陰陽言則爲大臨小以象 恃威制得物之誠故物自无違也 之在地君子臨民亦猶是也不徒日教而日教思其 大所以說道淪浹于无窮順德包酒于无盡 口咸颰也陽長之時感動于陰四應于初感之 一有地臨君子以教思无窮容保民无真 周易集義卷一 至求恕毒

也愚按卦惟二陽居下而臨四陰非其位足以臨之 相威是以正道為當位所信任得行其正道是以吉 得以行其正道是以吉也 而得正與四相應雖居說體而无私係之情與上 而以德威而臨之也故二爻皆有咸臨之象初九 者也比他卦相應尤重四近君之位初得正位與四 程子曰二方陽長而漸盛感動于六五中順之君於 程子日以九居陽叉應四之正其志在于行正也 日咸臨貞吉志行正也 一咸臨吉无不利

按九二 貞矣 順上之命也愚按未字疑為末字之 程子日未者非遽之辭九二 中以臨上之 初九以剛得正而吉九二 **德臨乎陰而陰皆順之是以所臨皆吉而无** 口威臨吉无不利未順命也 一親故見信任得行其志所臨吉而无不利也 一剛中上 /周易集義卷一 一四陰是得其本而末自順命也卦取 |應六五當浸長之時||而臧以中正 |以剛中而吉中則| |與五處應以 一誤九一 臨下非日 奎求恕齊 一居下 也

天三甘臨无攸利旣憂之无咎 陰柔不中正又乘: 臨人者也在上而以甘說臨下失德之甚无所利也 道臨之非道之正故无攸利然既憂之則必易心退 為教深矣愚按此上四爻皆以上臨下爲義六三刃 日甘臨位不當也旣憂之咎不長也 **胡氏曰憂者說之反能憂而改復何咎乎勉人遷差** 程子日三居下之上陰柔而說體處不中正以甘說 而以至誠順承乎陽自无咎也 口陰柔不中正而居下之上復乘三 一陽之上危懼不安而以甘說之

六四至臨无咎 不長也 其至者程子曰四居上之下與下體相比是切臨 應于剛陽之初處近君之位守正而任賢以親臨 當位也旣能知懼而憂之則必强勉自或故其過 下是以无咎所處當也愚按以柔居柔處得其位而 下臨之至也臨道尚近故以比爲至四居正位而 - 應初九臨道之最親切者故日至臨斯泰誓所謂 个臣歟王氏日至猶來也六四以 局易集義卷二 應陽不忌剛長而乃應之履得其位

大五知臨大君之宜吉 象日至臨无咎位當也 程子日五以柔中順體居尊位而下應于九二 相通故曰位當 以善也亦通 鄭氏日其位在上下之際臨之切至不患其遠而不 之臣是能倚任于二不勞而治以 任其知者適足為不知难能取天下之善任天下之 **九則初自來臨所謂四海之內皆將輕千里而來吿** 人臨天下之廣若區區自任豈能周于萬事故自 知臨下者也夫以 剛中

象日大君之宜行中之謂也 一六敦臨吉无咎 乎一陽尊賢取善敦厚之至也陰柔在上宜有咎也 程子日五有中德故能倚任剛中之賢行其中德也 以其敦厚于順剛是以吉而无咎愚按以上臨下易 程子曰坤之極順之至處臨之終敦厚于臨也與初 失之驕上六以柔順自處尊而順彼高而從下厚之 聰明則无所不周是不自任其知則其知大矣以 天下大君之所宜也 一雖非正應然大率陰求于陽又其至順故志在從 ■/ 問易集義卷一 宏求恕裔

觀盥而不薦有孚郮若 志可 至也 程子曰志在內應乎初與三 繋鮮更取他義亦扶陽抑陰之意愿謂觀卦 祭也颙若尊嚴之貌此卦四陰長而二陽消而名 仰觀之義也朱子曰盥將祭而潔手也薦奉酒食 日敦臨之吉志在內也 三異上 知 一陽在上四陰在下陽剛居尊爲羣下 当人では、ナー 二也志順剛陽而 所觀

足為 儀必極其誠敬而非徒尙儀文則下觀而自化所謂 事 文也苟誠敬于盥潔其本立矣雖不薦羞而巳有孚 **所輕使人知禮之本也君子體斯象以立天下之表 퉨若矣非禮果有盥而不薦者也明其所重而略其** 言時靡有爭君子之誠敬足以格天固有不待言動 ,神以誠敬爲主而不在薦之多品誠敬本也薦羞 雖爲四陰所尊實爲陽消之卦以九五中正居尊 稷宗廟之中未施敬于民而民敬也詩日奏假 下所觀仰故假享祀之道言之以通乎治道夫 周易集義卷二 金水恕齋

彖日大觀在上 神道設教而天下服矣 字 題 若 下 觀 而 化 也 觀 天 之 神 道 而 四 時 不 忒 聖 人 り 也天道至神故運行四時化育萬物无有差忒至神 觀之道嚴敬如始盥之時則下民至誠瞻仰而從化 巽也五居中正以巽順中正之德為觀于天下也 以觀天下獨指九五程子曰下坤而上巽是能順而 王氏日大謂陽也趙氏曰大觀在上統謂一 下之人涵泳其德而不知其功鼓爒其化而莫測: 之道莫可名言惟聖人默契體其妙用設爲政教 |順而巽中正以觀天下觀盥而不薦有 一場中一

象 方問俗陳詩納賈以觀其風聲氣習而施教馬蓋大 程子日風行地上周及庶物為游歷周覽之象故先 因乎民而不容强齊者所謂合乎人情而宜乎土俗 是也後世燕處深宮京師而外等諸異國叉或慢游 經大法天下所同而節文度數繁簡疏數之閒則有 王體之爲省方之禮以觀民俗而設敎也芮氏日地 用自然仰觀而戴服故曰神道設敎而天下服矣 |風行地上觀先王以省方觀民設教 |有風疆域不同好尙各異先王制爲巡狩之禮省 度封山垒海騒動天下罷勞百姓先王省方觀民 / 周易集義卷一

初六童觀小人无咎君子吝 則可鄙吝也愚紫觀卦陰爻皆以仰觀爲義故近陽 義皆觀于九五也程子曰陽剛中正在上聖賢之 也近之則見其道德之盛所觀深遠初乃遠之所見 朱子曰卦以觀示爲義據九五爲主也爻以觀瞻爲 者得遠陽者失初最下其見尤淺如童稚之觀所見 之意于是乎微矣 君子之道乃常分也不足謂之過咎若君子而如 不明故曰童觀小人志識卑闇固其所宜不足爲咎 明如童蒙之觀也小人下民也所見唇淺不能識

象曰初六童觀小人道也 藝之末營營于利祿之微而絕不知有遠大之業者 陰闇柔弱所能見也如窺覘之觀耳朱子曰陰柔居 若名為士君子而亦安于淺陋不能好學親賢以 程于日二應于五觀于五也五剛陽中正之道非二 皆童觀也孰自知其吝哉 其聞見抑亦羞吝之甚矣嗟乎後世之士沾沾于文 王氏曰卑下而无遠見在凡民為可恕在君子為可 關觀利女貞 //周易集義卷二 至求恕声

象日闚觀女貞亦可醜也 能 知矣 矣胡氏日 見者小而不見全體占日利女貞則非丈夫所爲 觀是茫然无所見小人日用而不知者也闚觀是所 醜也愚按六二 內 王氏曰處大觀之時居中得位不能大觀廣鑒誠 利也若丈夫自囿于卑隘不亦可醜乎上 見剛明之 而觀乎外闚觀之象女子之正也丈夫則非所 一初位陽而最下故爲童二 一大在女子以順陽爲正 一陰柔居內雖應于五 |位陰故爲女童 雖 而識有所囿

進六三上下之閒可進可退之地故不必觀五但觀 我所為而為之進退愚按三居下之上近于五而應 程子日三處順之 三觀我生進退 其明也士不尙志非師友所能輔成將何以免于 觀之醜哉 我之所生動作施為出于己者胡氏日觀以遠近為 **莪諸爻皆欲觀五惟近者得之六四最近故可決于** 上觀己廣矣然猶不敢自信必返觀己之所行揆 陋者往往自畫而不求進雖有剛陽之應不能騰 // 問易集義卷一一 極能順時以進退者也觀我生

象日觀國之光尚賓也 六四觀國之光利用賓于王 象日觀我生進退未失道也 程子曰觀莫明于近五以陽剛中正居君位四切近 程子日親己之生而進退以順乎宜故未至失道也 仕進于王朝則謂之賓 之故觀見道德之光輝也聖明在上則懷抱道德之 量也 八皆願進于朝古者有德之人則君賓禮之故士之 時度世以審其進退之宜所謂量而後入不入而後 THE TRUE AND W. K. T. T. KI

九五觀我生君子无咎 **奥** 陰 川 者必先自觀動靜云爲有一 程子日尚謂志尙愚按尙與上 勢固不可恃位之尊而謂人之必己觀也能爲人 王氏日言行皆身所生起之事故日生自四以 而見資斯固君子得志之秋也 王朝也既有過人之識叉遇尊德之時明良際遇進 一勢孤位且不保不可徒咎在下者之侵陵而咎實 「扶陽而尊之至于九五當羣陰方興且迫之 一觀腸而責其不逮以陰盛陽且往故必正名 周易集義卷二 不協于君子之道則時 通尚進也進而實工 突求恕騫

象日觀我生觀民也 一九觀其生君子无咎 身之得失叉當觀民德之善否以自省察也 朱子曰此夫子以義言之明人君觀己所行不但 以其剛健中正之德未亡而竟之備也 自己故當此位者必觀我生果其爲君子而後无咎 乎物理可以招攜懷遠而允爲君子然後无咎 之己抑必外度之物果其所以發邇見遠者无不中 王氏日其者在外之辭謂物情獨背之幾也上九无)位|而陽將往矣欲不失其大觀也尤難內度

象日朝其生志未平也 朱子日志未平言雖不得位未可忘戒懼也愚按觀 未平歟然不可徒挾不平之志必盡道以求物理之 **者蓋亦不少詩日憂心悄悄慍于羣小此志之所**以 我生自觀其道者也觀其生觀其爲民所觀者也上 九高而无位雖負重望而小人之環伺而欲相便陷 //周易集義卷二

周易集義卷二					
					-